

Quarta urbs

P I N G L O.

Pinglo urbs Orientalem ripam Ly fluminis occupat, quod per hujus urbis territorium inter arctissimas ac profundas valles profluit, saepe per scopulos & saxa ingenti murmure volvit, in eo trecenta ac sexaginta numerant aquæ præcipitia, unde vix navium patiens est: regit urbs civitates octo, quas omnes montes densissimi includunt: 1 Pinglo, 2 Cunching, 3 Fuchuen, 4 Ho, 5 Lipu, 6 Siengin, 7 Junggan, 8 Chaoping. Fuit sub Cina familia regionis Queilin, Hana Çangcu, Tanga Locheu vocitavit, hodiernum nomen Jue na dedit familia.

Hic reperitur cera illa alba ab animalculis illis insectis elaborata, de quibus supra dixi: conficitur hic etiam pannus ex foliis musarum rubrarum: Lichiarum fructus magna ubique copia, cujus arbores Lipu civitati nomen dederunt.

Montes. Ad urbis Notolybicu mons est Cai, qui usque ad Lipu excurrit. Jung mons ad ortum ingens ac præruptus; novem in eo collis sunt præcipites & confragosi. Ad occasionem collis est Monien, hoc est oculorum vertex, ita dictus, quod in summitate duos habeat ingentes lapideos oculos adeo à natura affabre efformatos, ut artem omnem superare videatur; pupilla clarissime distinguitur, circumstant veluti humores duo albus ac niger, uti in oculo nostro.

Cin mons prope Fuchuen civitatem, in quo iectu fulminis octo adapertæ cavernæ sunt.

Kiue mons prope Ho civitatem, à copia ac præstantia aureorum pomorum sic dictus, id enim Kiue significat.

To collis grandiusculus in montibus prope Sieugin, à parte exteriori inaccessus, ac natura ipsa intra illius viscera scalam cochliadem fecit, per quam ascensus patet.

Flumina. De fluminibus nihil occurrit, præter duos amoenissimos fontes: quorum unus ad Boream urbis, Caning dictus; alter Yoxan, prope Xo civitatem.

Quinta Urbs

G V C H E V.

Gucheú urbs eo jacet loco, ad quem omnia hujus provinciæ flumina quasi ex condito concurrere supra dixi-

mus: prima est ad ortivam partem Quangtung provinciæ vicinissima, emporii frequentia facile cæteris antecellit, quod ei fluminum commoditas maxime tribuit, estque locus magni momenti, qui ea quoque de causa Provinciæ clavis dicitur.

Cinnabaris hic in montibus colligitur, quo hoc territorium abundat; ingentes alit etiam serpentes: scribunt Sinæ quosdam ex iis ita longos evadere, ut decem perticas æquent; si res ita se habet, vix crediderim dari in orbe longiores. ibidem & Rhinocerotes sunt; nasciturque arbor Quanglang *Arbor farinæ febrifragax.* vocata, hæc pro medulla molle pulpam obtinet farinæ simillimam, quin & farinæ usum præstat, saporisque non ingratia est, ad quevis esculenta adhibetur. Sunt hic simiæ canibus similes, lutei coloris, faciem habent humanæ simillimam, vocemque tenuem & acutam edunt, ut mulieres fere solent.

Notolybicu versus à civitate Pelieu est profunda vallis, ac superatu difficilis, per quam unica tantum via patet, estque iter illud, per quod Tungking regnum ingredi possumus ex hac parte; narrant, ob nimias difficultates ac labores per asperrum illum callem, non paucos iter facientes, priusquam elucentur, interire; alii Tienmuen sive cæli portam vocant, angustam scilicet & arctam viam; alii Queimuen, hoc est dæmonum portam, dicunt: habet hæc urbs duo etiam heroibus sacrata fana: olim sub Hana familia dicta est Kiaocheu, sub Leango Chingcheu, Suio Fungcheu, hodiernum nomen à Tanga accepit familia. præstur urbs civitatibus decem: 1 Sucheu, 2 Teng, 3 Yung, 4 Cengki, 5 Hoaicie, 6 Yolin, 7 Pope, 8 Pelieu, 9 Lochuen, 10 Hingye.

Tayun mons ad urbis Barrapeliotem, ab *Montes.* ipsa metropoleos regione incipit.

Prope Teng civitatem mons Nan est pulcherrimus & amoenissimus, multa in eo rara observantur à Sinis, quæ hic enumerare vix opera pretium.

Circa Yung civitatem incipit mons Tayung omnium maximus; in hoc tractu territoria Pelieu, Hingye, Yolin civitatum, & urbis Cin ingreditur. ibidem Tukiao mons, in Taoxu libris ordine vigesimus, octo in eo acclives colles, ac cavernas viginti numerant.

Han mons ad Yolin est, frigidus dicitur, *Mons frigidus.* eo quod propter frigus nimium ab hominibus inhabitari non possit, cum tamen intra Zonam torridam sit.

Ad Pope est Fiyun mons, ex eo memo-
O O rabilis,